

# 魏筱泉醫話精華

魏筱泉（樹春）興化人博覽醫書不拘跡象  
而於疑難雜病能自別出機杼人競稱之著有  
鶴山書屋筆記未傳

魏 筱 泉 醫 話 目 次

|    |   |
|----|---|
| 傷寒 | 一 |
| 溫病 | 一 |
| 霍亂 | 二 |
| 瘧  | 三 |
| 黃疸 | 四 |
| 頭痛 | 五 |
| 怔忡 | 五 |
| 癰脹 | 六 |
| 疝  | 七 |
| 二便 | 七 |
| 產後 | 八 |

# 魏筱泉醫話精華

上海秦伯未編纂

普甯方公溥參校

## 傷寒

江北鹽阜一帶。地近海濱。居民感濕素重。若或受風寒。每發寒熱如瘧。兩  
胯間必結核腫痛。或腹亦痛。俗呼爲發寒濕。實卽方書所謂類傷寒之一種。壬  
子春旱甯李輔忠知事邀予診病。予留阜時。該處以症乞治者。日有數人。用柴  
胡桂枝湯合五苓加味。以散寒利濕。服之無不立效。考四方水土不同。所患之  
病亦各異。如江北之類傷寒。及江南之軟腳癰。皆其明證。此近今西醫所以有  
易地療養之說也。

## 溫病

袁姪季景江溫病愈後。頑痰壅塞心竅。痞不能言。用密陀僧一錢。研細末。

茶清調服。入口卽能言。去秋兒子宏森治農夫某甲。因觀劇廟中。小合忽倒。幾被壓傷。致驚氣入心。亦瘖不能言。仍服前方。而愈。按密陀僧一物。能鎮驚祛痰。凡病痰迷心竅。及驚氣入心。致瘖不能言者。服此無不立效。

東門外木商黃姓。溫病誤表不得汗。邪熱鬱於肌表。血分。周身遍發錦斑。繼起膿泡。破流膿水。燥煩大渴。舌乾紅無津。咽痛便秘。脈見洪數。此名陽毒。予進化斑湯。合犀角地黃湯。加竹葉煎服。服二帖。諸症均減。膿泡亦漸次收斂。再加養皮三錢。大便亦通。繼用養陰調理之品。未旬日而愈。查此症患者甚少。先嚴百泉公臨症數十年。僅見陽毒一次。予年六十餘。亦始治黃姓陽毒病。此雖不經見之症。然治之稍不如法。輒有生命之虞。可不慎諸。

霍亂

北門外黃姓。陽霍亂。誤服熱劑。周身遍發錦斑。其大如錢。疎密不一。煩渴利下臭惡。舌黑無津。脈伏肢不溫。其家謂病將不治。而病者必欲邀予一診。予

做陽症誤服熱藥發斑例。用化斑湯合竹葉石膏湯。加清絡之品。服二帖。諸症悉平。斑亦退盡。予以霍亂發斑一症甚少。故特表而出之。

■ 瘡

癸丑冬。予應京師沈雨人侍郎之聘。爲其公子診病。道經白下時。有甯人張姓者。瘡以日作。不熱而但寒。已發數次。時醫以治瘡套方治之。不效。乃乞予爲擬一方。予謂此症由其人陽氣素虛。夏間又貪涼食冷過度。致陰氣益盛。偏陽氣益虛。故瘡來但寒不熱。而牝瘡以成。當用柴胡桂薑湯服一帖。瘡卽止。再服醒脾化濕之劑數帖。而氣體復原。

泰縣黃某。丁巳春瘡後失調。邪入肝經。挾瘀血痰濕。結塊脇下。是屬瘰癧。前由其友人介紹來絕。予令服鱉甲煎丸。陳虔湯下。彼不慣服丸。請改與湯藥。乃用石頭老人治瘰癧母方。卽柴胡鱉甲桃仁三稜莢朮俱用醋製。合二陳湯加紗蔥衣防己等味。以疎通血絡。兼祛痰濕。服數帖。瘰癧母全消。而氣體健強。逾昔。

予以此方治癰母較鰲甲煎丸等方見功尤速特濡筆而記之。

秦郵章書甫之夫人患癰經月不止。癰來熱多寒少。心煩作嘔。口乾渴飲。脈弦且數。此症由陰氣先傷。陽氣獨發。名曰癰瘡。予用陳修園氏治癰二方。卽柴胡粉草茯苓白朮橘皮鰲甲首烏當歸知母靈仙服兩帖。癰卽未作。繼進清熱養陰之品。調理而痊。此後凡傷陰癰病。用此法無不應驗。

黃疽

先嚴百泉公爲秦郵趙雙湖先生之入室弟子。醫學精深。宅心仁厚。曾傳治疸驗方一則。凡濕鬱發黃。濕邪瀰漫三焦。胸脘悶塞難堪者。用加減宣清導濁湯治之。無不奏效。云方用赤苓豬苓杏仁苡仁茵陳滑石寒水石。黃戊仲冬丹徒李雨孫患黃疸病。其見症與上述相同。延醫與藥無效。乃乞予爲之診治。予卽用前方加川貝鬱金通草澤瀉等味。以滲濕邪。兼利氣分。服不過數帖。胸次已舒。小水暢利。黃亦盡退。旋身體強健如初。爰述此方。以補方書治法所未

及而爲海內患斯病者之一助。

### □ 頭 痛

六合洋貨業劉某。病頭痛數年。前醫或清肝熄風。或養陰滋腎。均不應。其岳父柳某素信予。促其來興就診。予疑其諸法備嘗。何以不效。乃詢以曾患花柳症未。伊云。未病前一月。曾在秦郵宿一妓。此妓係患梅毒新愈者。予曰。病根基于此也。卽用金鑑結毒紫金丹。加銀花粉。草苡仁。木瓜。滴乳石煎服。以敗毒止痛。服後痛卽大減。後爲擬一丸。令其回里調養。伊叩謝而去。

予壻洪靜山。秋間燥邪上擾。清竅爲之不利。頭痛耳鳴。目赤口苦。彼以微疾不敢來。潰予。先延他醫診治。服清肝熄風藥不應。乃乞予爲調理。予用吳氏治燥邪化火。清竅不利之翹荷湯。加菊花。夏枯草。苦丁茶。服二帖。其病卽痊。此吾人所謂治病必先戡氣。無伐天和者也。

### □ 怔 忡

阜甯縣署幕僚張君。因案牘煩勞。心營有損。怔忡不寐。自汗健忘。深以爲苦。先延西醫診治。西醫謂爲心藏血脈亢進。令服藥水數瓶。而卒無效。乃託其友人某。轉懇予爲之調治。予用天王補心丹。以養心血爲主。服藥僅一月。而諸症悉除。是則中西醫之藥力。對於見症。但視施治之得當與否。固無從軒輊也。

### 臑脹

甯國李雲門太守。患少腹脹大。肢體盡腫。兩脇刺痛。吐痰多至盈碗。凡理氣行水之藥。均遍嘗不效。羣醫以此病難治。皆相率辭去。其幕僚趙君與予善。因薦予往診。予思昔賢論腫脹之因。有氣血寒熱痰濕蟲積之不同。若腫脹腹大而又脇痛吐痰者。其爲血臑無疑。予卽用歸尾桃紅乳沒旋覆鬱金之屬。以通絡消瘀。服兩帖。瘀止痛平。仍依前法增損。再服十餘帖。而腫脹盡消。夫醫者臨症。能辨明病因。則施治自可獲效。如辨因不確。則藥不中病。未見有能治愈者。如李太守血臑之類是也。



疝

西城趙某。秋季因受外邪。引動疝氣舊患。寒熱似癰。右睪墜大。牽引少腹而痛。凡解表及治疝之藥。均遍嘗不效。特遠道求診於予。予用柴桂各半湯。加川棟。茴木。香吳。萸。以和解少陽。兼散寒行氣。服二帖。寒熱即退。疝痛亦輕。再服補中益氣湯。加味。而疝全除。按前方見溫病條辨。凡寒熱似癰。而又疝痛者。用此無不應驗。是不可以不記。

二便

寶應華少臣夫人。產後清濁混淆。大小便。易位而出。病名交腸。言大小腸交之謂也。其家以新產體虛。不便出外就診。特遣人詢方於予。予用五苓散。每服三錢。溫酒調下。使清濁分利。則二便自可如常。後月餘致禮來謝矣。

丹徒楊雲甫。便祕帶血。脫肛腫痛。已歷年餘。時作時止。前醫不知爲大腸蘊熱。而謂爲氣虛下陷。誤進補中益氣湯。而脫肛腫痛益甚。乃求治於予。予用

黃連解毒湯加槐花柏葉。腫痛脫肛均愈。再遵五仁法。而大便如常。此後遂永不復發。

產後

丙辰夏。予往臨川。寓友人陳韞山處。其甥婦患病重。以予年老。不敢勞遣行。卽延兒子宏焱往診。旋歸以病狀及方治告予。謂產後發熱逾旬。少腹微痛。前醫用解表及補血之藥。而熱皆不減。乃詢以產後病行多少。瘀者云瘀行甚少。其爲停痰發熱可知。當與以枳實芍藥散加澤蘭丹參桃紅青皮等味。以行瘀清熱。兼止其痛。不卜服後果能獲效否。予曰。凡產後惡露未淨。而致發熱者。服消瘀藥無不立解。此症效可必矣。次日又延復診。詢之果熱減痛平。卽依此法調理而瘥。